

Allannguutissatut siunnersuut

uunga

Uunga siunnersuut: Piginneqatigiilluni inissiat pillugit Inatsisartut inatsisaata allanngortinnissaa pillugu Inatsisartut inatsisaat (Inissiat attartortittakkat allanngortinnerat, kaaviiartitsinissamut inerteqqut il.il)

Naalakkersuisunnit aappassanneernejarnissaanut saqqummiunneqartoq:

§ 1-imut

1. § 1, nr. 7-imi § 45f, imm. 2 imatut oqaasertalerneqarpoq:
” Imm. 2. Pisortat taarsigassarsiarititaanni imm. 1 naapertorlugu taarsigassarsiaritineqartuni, taarsigassarsianut tigusinerup nalaani aserfallatsaaliuisoqarsimanninnerata uppersarneqartup iluarseqqinnissaanut aningaasalersornissaanullu piginneqatigiilluni inissiatillit peqatigiiffiannit taarsigassarsiarineqartunut tunngatillugu, akilersorneqartussat tulleriinnilersorneranni nikisitsinissaq uppersaaserneqassasoq, Naalakkersuisut imaluunniit kommunalbestyrelsip akuerisinnaavaat, takuuk § 45c.”

Allannguutissatut siunnersuummut nassuiaatit

Nassuiaatit nalinginnaasut

Allannguutissatut siunnersuummi § 45f, imm. 2-p atuuffissai aammalu piginneqatigiilluni inissiat pillugit Inatsisartut inatsisaanni § 60 imm. 2-mut ataqatigiissinneqarnera erseqqissarneqarpoq.

Allannguutissatut siunnersuummi aalajangersakkanut ataasiakkaanut nassuiaatit

Nr. 1-imut

Piginneqatigiilluni inissiatillit peqatigiiffiata kapitali 4a malillugu inissianik attartortittakkanik allanngortinneqartunik pisinerani, inissiat attartortittakkat allanngortinneqartut arlallit aserfallatsaaliuinermi kinguaattooqqasussaapput. Tunngavissaatinneqarpoq piginneqatigiilluni inissiatillit peqatigiiffiata inissianik attartortittakkanik allanngortinneqartunik pisinermut ilaatillugu aserfallatsaaliuinermi

kinguaattoorutit, tiguneqarnerisa nalaanni uppersarsarneqartut, iluarseqqinnissaat aningaasalersornissaallu isumagisussaassagaa.

Taamaattumik siunnersuutigineqarpoq pisortat taarsigassarsiarititaat, inissianik attartortittakkanik piginneqatigiilluni inissiatillit peqatigiiffiata pisineranut ilaatillugu taarsigassarsiaritineqartut, taarsigassarsianut aserfallatsaaliuinermit kinguaattoorutit, tigusinerup nalaani uppersarsarneqartut, iluarseqqinnissaannut aningaasalersornissaannullu taarsigassarsiarineqartunut tunngatillugu, akilersorneqarnissaat nikisinneqarsinnaassaq. Taarsigassarsiat inissiat attartortittakkat allanngortinneqartut tigusinerannut peqatigitillugu taarsigassarsiarineqarsimanissaat piunasaqaataangilaq.

Piginneqatigiillutik inissiatillit peqatigiiffiat, kapitali 4a malillugu inissianik attartortittakkanik allanngortinneqartunik pisisoq, piginneqatigiillutik inissiatillit peqatigiiffii tamaasa allat assigalugit piginneqatigiilluni inissiatilinnut inatsimmi § 60, imm. 2-mi pineqartunut ilaasussaavoq. § 60, imm. 2-mi tunngaviusoq nalinginnaasoq aalajangersarneqarpoq, tassalu piginneqatigiillutik inissiatillit peqatigiiffiannut pisortat taarsigassarsiarititaasa, piginneqatigiillutik inissiatillit peqatigiiffiannut taarsigassarsianut, pilersaarutaasumik piffissakkaartumik aserfallatsaaliuinissap aningaasalersornissaanut piginneqatigiillutik inissiatillit peqatigiiffiani ileqqaagaqannginnerup pisariaqalersissimasaanut tunngatillugu, akilersorneqarnissaat nikisinneqassanngitsoq.

Tunngaviusoq nalinginnaasoq taanna, taarsigassarsianut kapitali 4a malillugu inissianik attartortittakkanik allanngortinneqartunik pisinerup aningaasalersornissaanut piginneqatigiilluni inissianut taarsigassarsiaritineqartunut, aamma atuuttussaavoq. Piginneqatigiillutik inissiatillit peqatigiiffii tamarmik pilersaarutaasumik piffissakkaartumik aserfallatsaaliuinissamut pilersaarummik suliaqartussaapput, tamatumunngalu inissiamut akitsuutikkoortumik akiliutissamik akilersitsisartussaallutik, takuuk piginneqatigiilluni inissianut inatsimmi § 57, imm. 5. Piginneqatigiillutik inissiatillit peqatigiiffiannut, piginneqatigiilluni inissiat pillugit Inatsisartut inatsisaanni kapitali 4a malillugu inissianik attartortittakkanik allanngortinneqartunik pisisimasunut, tamanna aamma atuuppoq.

§ 45f, imm. 2-mut siunnersuutip atuutilernerani piginneqatigiilluni inissiat pillugit Inatsisartut inatsisaanni § 60, imm. 2-mi tunngaviusumi nalinginnaasumi tassani ilaatitsinnginneq atuutilertussaavoq. Ilaatitsinnginnermut pissutaavoq, piginneqatigiillutik inissiatillit peqatigiiffiata aserfallatsaaliuinnermut kinguaattoorutit pioreersunik tigusisussaana aammalu piginneqatigiillutik inissiatillit peqatigiiffiata aserfallatsaaliuinnermut kinguaattoorutit iluarseqqinnissaannut aningaasalersornissaannullu ileqqaarnissamut periarfissaqarsimannginnera.

Piginneqatigiillutik inissiatillit peqatigiiffiat aserfallatsaaliuinnermut kinguaattoorutit sukkasuumik iluarseqqinnissaannut taarsigassarsinissamut periarfissaqassaaq, taamaalillunilu

aserfallatsaaliuinnermut kinguaattoorutit malitsigisaannik aningaasartuuteqarfiusariaqartunik
illut ajoqusernissaat pakkersimaarsinnaassallugit.